

**DRUŠTVO ZA PROMET NAFTOM I NAFTNIM DERIVATIMA
HIFA PETROL d.o.o. Sarajevo**

**PRAVILNIK NAGRADNE IGRE
„PORSCHE ZA 100,00 KM HPLUS goriva “**

Član 1.

Organizator nagradne igre pod nazivom „PORSCHE ZA 100,00 KM HPLUS goriva“ je društvo HIFA PETROL d.o.o. Sarajevo, Hotonj bb, 71320 Vogošća, ID broj: 4200999090005.

TRAJANJE NAGRADNE IGRE

Član 2.

Trajanje nagradne igre je od 22.04.2019. do 22.08.2019. godine, na području Federacije BiH.

OBJAVA

Član 3.

Učesnici će biti obavješteni o nagradnoj igri putem jednih od dnevnih novina, web stranice, facebook profila, kao i putem plakata na benzinskim pumpama HIFA PETROL.

PRAVO UČEŠĆA

Član 4.

Pravo učešća u nagradnoj igri imaju sva punoljetna fizička lica državljanima BiH koja izvrše kupovinu naftnih derivata i/ili LPG autoplina (DIZEL BAS EN 590 10 ppm, PREMIUM BEZOLOVNI BENZIN 95 BAS EN 228, SUPER PLUS BEZOLOVNI BENZIN 98 BAS EN 228 i LPG/autoplin) u vrijednosti od 100,00 KM i više za gotovinu, koji prihvataju Pravila nagradne igre, osim osoba zaposlenih u firmama članicama HIFA GROUP (HIFA PETROL d.o.o. Sarajevo, HIFA d.o.o. Tešanj, HIFA-BENZ d.o.o. Tešanj, HIFA OIL d.o.o. Tešanj, HIFA TANK d.o.o. Tešanj, HIFA OKTAN d.o.o. Tešanj) kao i najbliži članovi njihovih porodica.

NAČIN UČEŠĆA

Član 5.

Svaki kupac (fizičko lice) koji kupi HPLUS gorivo (DIZEL BAS EN 590 10 ppm, PREMIUM BEZOLOVNI BENZIN 95 BAS EN 228, SUPER PLUS BEZOLOVNI BENZIN 98 BAS EN 228 i LPG/autoplin) za gotovinu u jednokratnoj ili zbirnoj vrijednosti od 100,00 KM i više na benzinskim pumpama HIFA PETROL na području FBiH stiče pravo učešća u nagradnoj igri. Kupovinom navedenog goriva kupac će dobiti karticu sa pristupnim podacima koje će popuniti, a koja će predstavljati pristupnicu za nagradnu igru, te će se prilikom svake kupovine goriva vršiti elektronska evidencija utrošenog goriva. Akumuliranjem iznosa u vrijednosti od 100,00 KM kupac stiče mogućnost učešća u nagradnoj igri.

Svaki učesnik može izvršiti neograničen broj prijava, ako zadovoljava stav 1. člana 5. pravila nagradne igre.

FOND NAGRADA

Član 6.

Ukupni nagradni fond:

- 1 x glavna nagrada - automobil Porsche Boxster
- 90 x posebna nagrada - mjesec dana besplatnog goriva
- 540 x posebna nagrada - 50 KM besplatnog goriva
- 1440 x utješna nagrada - 30 KM besplatnog goriva

Član 7.

Vrijednost nagrade „mjesec dana besplatnog goriva“ je definisana na osnovu prosječno pređenih kilometara vlastitog automobila i na osnovu prosječne potrošnje goriva prema zadnjim objavljenim službenih podacima na dan objave nagradne igre, a to su podaci iz 2015. godine.

<http://www.bhas.ba/tematskibilteni/PotrosnjaEnergijeFinalBS.pdf>

Prosječna godišnja potrošnja goriva osobnog automobila u 2015. godini iznosi 6,8 litara na 100 pređenih kilometara, a prosječni pređeni kilometri iznose 11.442,80 km. Godišnja potrošnja je 778,11 litara, a mjesečna 64,84 litara.

Prosječna cijena DIZEL BAS EN 590 10 ppm prema posljednjem podatku objavljenom od strane Agencije za statistiku BiH važeća na dan 26.2.2019. godine iznosi 2,30 KM/lit.

IZVLAČENJE

Član 8.

Izvlačenje nagrada će vršiti u tri kruga, i to:

- Prvi krug (22.4.-31.5.2019.godine) - 05.6.2019. godine će biti izvučeni dobitnici nagrada: 30 x mjesec dana besplatnog goriva, 180 x 50,00 KM besplatnog goriva, 480x 30,00 KM besplatnog goriva
- Drugi krug (31.5.2019.-12.07.2019.godine) - 18.07.2019.godine će biti izvučeni dobitnici nagrada: 30 x mjesec dana besplatnog goriva, 180 x 50,00 KM besplatnog goriva, 480 x 30,00 KM besplatnog goriva
- Treći krug (12.7.2019.-22.08.2019.godine) - 27.08.2019.godine će biti izvučeni dobitnici nagrada: 1 x automobil Porsche Boxter, 30 x mjesec dana besplatnog goriva, 180 x 50,00 KM besplatnog goriva, 480 x 30,00 KM besplatnog goriva.

Izvlačenje će se vršiti pred tročlanom komisijom koju odabere Organizator.

Dobitnici će biti izvučeni automatski, slučajnim kompjuterskim odabirom.

OBJAVA DOBITNIKA

Član 9.

Popis svih dobitnika će biti objavljen u roku od tri radna dana od dana izvlačenja, putem WEB stranica www.hifapetrol.ba, facebook profila i na benzinskim pumpama HIFA PETROL, a dobitnici ujedno pristaju da se njihova imena i prezimena, adresa, broj telefona i slika mogu javno prikazati bez naknade.

PREUZIMANJE NAGRADE

Član 10.

Dobitnici će biti obaviješteni u roku od 8 dana od dana objave dobitnika. Nagrade se mogu preuzeti u roku od 30 dana od dana objave, a prema uputstvu organizatora. Organizator se obavezuje da će dobitnike telefonski kontaktirati.

Ako dobitnici ne preuzmu nagradu u predviđenom roku, organizator će ih ponovo obavijestiti i postaviti naknadni rok od 8 dana za preuzimanje nagrade.

Dobitnici nagrada nemaju pravo tražiti isplatu novčane protuvrijednosti osvojene nagrade i ne mogu prenijeti nagradu na druge osobe.

Organizator ne snosi nikakve troškove preuzimanja nagrada, plaćanje naknade, poreza, troškove povezane sa prijenosom prava vlasništva na vozilu, registracije i slično, a preuzimanjem nagrade prestaju dalje obaveze organizatora prema nagrađenim. Posebne i utješne nagrade će se od strane organizatora predavati u vidu isporuke goriva dobitnicima u predviđenom i definisanom finansijskom iznosu nagrade nakon objave dobitnika nagradne igre. Dobitnici će moći preuzeti nagradu u gorivu tipa DIZEL BAS EN 590 10 ppm, PREMIUM BEZOLOVNI BENZIN 95 BAS EN 228, SUPER PLUS BEZOLOVNI BENZIN 98 BAS EN 228 i LPG/autoplín.

ZAVRŠNE ODREDBE

Član 11.

Komisija sačinjena od predstavnika firme organizatora će zapisnički utvrditi jesu li dobitnici preuzeli nagrade u roku iz člana 10. stav 1., te će istekom tog roka utvrditi da je sa određenim datumom nagradna igra okončana. Nakon toga će se postupiti sukladno Članu 11. i Članu 14. Pravilnika o uslovima i načinu priređivanja nagradnih igara.

Član 12.

Dobitnici nagradne igre pristaju da im se ime, fotografija i snimljeni materijal koristi u svrhu promocije Organizatora nagradne igre putem svih medija bez naknade.

Učesnici nagradne igre prijavom na nagradnu igru pristaju da se podaci koji daju prilikom prijave mogu koristiti od strane Organizatora nagradne igre i njegovih poslovnih partnera. Osim prethodno navedenih podaci se neće davati niti jednom trećem licu.

Član 13.

U slučaju eventualnog spora između organizatora i učesnika, nadležan je sud u Sarajevu.

Član 14.

Uslovi pod kojima se nagradna igra može prekinuti: Nagradna igra se može prekinuti uslučajju više sile.

Član 15.

Ova pravila se primjenjuju po dobivanju saglasnosti nadležnog Federalnog ministarstva, a vrijede do završetka nagradne igre.

S pravilima nagradne igre saglasno je Federalno ministarstvo finansija Bosne i Hercegovine,
prema rješenju broj: 05-15-1-287/19-T.B.